

Sarkina Bt Mat Saad @ Shaari

From: Unit Komunikasi Korporat
Sent: Wednesday, May 16, 2018 10:40 AM
To: UUM - All Staff; UUM - All Students
Subject: Syarahan Kursi CIMB-UUM Kupas Struktur Perbankan Di Abad Ke-21



16 MEI 2018 / 30 SYAABAN 1439H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Mohd Amir Aizat Sainon
Gambar oleh: Abdul Halim Husain

SYARAHAN KURSI CIMB-UUM KUPAS STRUKTUR PERBANKAN DI ABAD KE-21



UUM ONLINE: Kuala Lumpur - Profesor Kursi Perbankan dan Kewangan CIMB-UUM, Prof Dr Jonathan A. Batten telah menyampaikan syarahan bertajuk "Banking in the 21st Century: What Got Us Here Won't Necessarily Get Us There," di EDC Hotel Kuala Lumpur, semalam.

Syarahan ini adalah syarahan umum ketiga yang dianjurkan bersama oleh UUM dan CIMB dan yang pertama oleh Prof Dr Jonathan bertujuan mengemukakan pandangan-pandangan yang menarik dan idea-idea baru mengenai perkembangan semasa, terutamanya dalam dunia ekonomi, kewangan dan perbankan.

Syarahan itu antara lain mengupas keadaan pasaran terkawal yang dipengaruhi komunikasi yang maju, teknologi robotik, *Artificial Intelligence* (AI) dan teknologi pengurusan risiko yang membentuk struktur perbankan pada abad ke-21.

Menurut beliau walaupun faktor-faktor yang mempengaruhi struktur perbankan itu penting namun faktor kemanusiaan kekal menjadi faktor yang akan membawa kepada kejayaan perbankan pada abad ke-21 dan hal berkenaan perlu diberi penekanan kepada pihak berkepentingan (stakeholder).

"Bank boleh memainkan peranan utama dalam menangani ketidakseimbangan yang muncul dalam tahun-tahun kebelakangan ini hasil daripada penyahkawalseliaan (deregulation) dan pengantarabangsaan.

Ia mungkin melibatkan pemikiran semula budaya dan agenda pihak berkepentingan," ujarnya.

Jelas beliau inovasi dalam teknologi akan terus membentuk apa yang ditakrifkan sebagai bank tetapi pengantaraan (intermediation), pengurusan risiko dan transformasi akan kekal sebagai ciri teras.

"Dari segi sejarah, kebimbangan mengenai struktur pasaran kewangan telah diutarakan oleh visi dari kerajaan dan supranasional (Garis Panduan Modal Basel; 1B1R; Komitmen Malaysia untuk mengekalkan 50 peratus perlindungan hutan selepas perjanjian COP 21).

"Kini berbekalkan teknologi baru, pelaburan individu dan keputusan penggunaan, dapat membantu membentuk agenda menuju ke hadapan.

"Justeru kita perlu memastikan adanya mekanisme yang mencukupi untuk keterlibatan komuniti dan individu, sambil menghormati hak privasi AI," katanya.

Syarahan itu turut dihadiri Naib Canselor, Prof Dato' Seri Dr Mohamed Mustafa Ishak, pensyarah UUM, kakitangan CIMB, agensi-agensi kerajaan dan swasta serta pelajar.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)

ANJUNG
Welcome Centre
Tamu UUM



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.